



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

XLVII. Boldewin von dem Knesebeck verkauft dem Kloster Diesdorf  
Besitzungen in Molmke, am 22. Juli 1337.

---

---

**Nutzungsbedingungen**

[urn:nbn:de:hbz:466:1-54934](#)

XLVII. Boldewin von dem Knefebeck verkauft dem Kloster Diesdorf Besitzungen in Molmke,  
am 22. Juli 1337.

Ek Boldeuin dhe eldere, knecht, gheheten van dem Knefebeke, bekenne — dat ik — verkost vnd gelaten hebbe dem proueste, der priorinne vnde deme Conuente to Dystorpe vier houe in dem dorpe to Moldenbeke mit vier huen vp dem velde, mit pachte vnd mit aller nütt in dorpe, in velde, in holte, in wische, in weide vnd in allen stücken, dar se nütt an hebben mogen, vnd mit alleme rechte, alse ek se beseten vnde hat hebbe wente in dissen dach, vor dre mark vnd druttig Luneborger penninghe vnde wille des ghudes rechte were wesen — —. Düßler benomeden lude jewelk gyst des jares vnd alle jare eyne mark penningh gheldes to vser vrouw daghe der Lateren, vnde teyn Eyere to Paschen vnde eyn hon to fünfte Michel daghe vnde eynen kese. To eyner vullenkomener wiffenheit vnde thuginge hebbe ik to borghen gesat dre myner vrünt, de hyr nah bescreuen sin, icht dem Goddes huse iennich hinder edder brok gheschege in dissem ghude, dat se dar scolen vul vore don, des loue ik Ludeleff, Bartold vnde Boldeuin, hern Hempen sone, knechte, gheheten von dem Knefebeke, mit Boldewine vnde vor Boldewine mit ener samenden hand en trouwen, ichtes dem Goddes huse to Dystorpe iennich hinder edder brok worde an dem ghude to Moldenbeke, dat Boldewin em verkost heft, dat we dar willen vul vore don, vnd entledigen dat Goddes huss van alleme hinder, wan we des ermanet werden. In eyne stedegheyt vnd thuginghe disses vorbescreuen dinghes, so hebbe we vnse Inghefegale mit Boldewin ghehenget to dessem breue. Dyt is gheschen na Goddes bord dryttein hundert iar in deme seuen drytteinste iare, in deme heylighen daghe fünfte Marien Magdalenen.

Gercken's Dipl. II, 190.

XLVIII. Dieterich von Golderden, genannt von Hidzaker, verkauft dem Kloster Diesdorf  
Besitzungen in Molmke, am 25. September 1337.

Ek Thyderik to Golderden, knecht, gheheten van Hidzaker, bekenne vnde beuge — dat ek — verkost vnde ghelaten hebbe dem proueste, der priorinne vnde dem Conuente to Dystorpe dre houe in dem dorpe to Moldenbeke mit dren houen vppe dem velde, mit pachte, mit deneste vnde mit aller nütt in dorpe, in velde, in holte, in wische, in weyde vnde in allen stücken, dar se nütt an hebben moghen, vnde mit alleme rechte, alse ek se beseten vnde hat hebbe wente in düßlen dach, vnde wille des ghudes rechte were wesen vnde entledeghen van aller ansprake, alle ek van rechte scal. Vppe den ersten houe wonet Conrad Grames, vppe den andern Hoier, vppe den drüdden Henneke van Abbendorpe. Differ benomeden lude iewelk gyst des iahrs vnde alle iahr eyne mark penningh gheldes to vser frowen daghe der Lateren, vnde teyn eiere to Paschen vnde eyn hon to Sünte Michael daghe vnd eynen kese. To ener vullenkomener wiffenheit vnde thuginge hebbe ik ok to borghen gesat twe myner vrünt, de hir na bescreueu sin, icht dem Goddes huse iennich hinder edder brok gheschege in dissem gude, dat se dar scolen vul vore don,